

蛇數十皆殺而棄之怪自此息

闕繼禹者蜀人爲某部郎中隆慶初謫鬱林同知  
署篆未幾百廢俱舉一縉紳夢元武神語曰若爲  
我告闕公今轉官某府二守矣縉紳以告闕疑其  
誕旬日果得報闕大異之捐俸廟神于州之後山  
曾巒宜山人形甚修長事母不孝每遇母食必尅  
減歲時祭享肉雖多亦不與母嘗夫妻日肆辱罵  
甚至朴責三五日母溺愛不鳴官也嘉靖年間一  
旦烈風驟雨雷火止焚巒居左右隣俱無恙母髻  
掛一色壁色盡灰燼髻亦不焚將巒夫婦懸之半  
空頭髮直上所居地裂成縫雷物似猪形鑽入裂  
中不計其數頃臾雨停巒夫婦隕墜昏倒未死本  
府申解軍門監禁而死

汪直者藤峽獍獍也峽賊平後以幼男入禁中累  
擢至司設監太監年少便黠得侍左右成化十三  
年妖人李子龍伏誅憲廟銳意欲知外事乃命直  
選錦衣官校善刺事者百餘人置廠靈濟宮前號  
西廠以別東廠命直管廠事凡大政小事方言俚

語悉採以聞錦衣百戶常瑛爲直牙爪舉朝側目  
都御史王越首媚事之而諸大臣多因赴附結者  
大學士商輅及兵部尚書項忠偕九卿疏直及常  
瑛過惡上怒爲之罷厥取直回監而瑛謫戍宣府  
已直泣訴於上曰此非外臣意黃陳二監爲之也  
上信之調二人者司香南京御史戴縉久不擢疏  
言其所行皆公不宜革罷於是直奉旨仍舊厥刺  
事縉得驟進用直出厥首發忠過廷鞫之忠坐賊  
罷商輅亦致仕去直權勢益熾大臣附直者乘勢

疾科道詆排異已許各自陳九卿劾退者百餘人  
十五年勅直巡邊直至遼鎮守副都御史陳鉞戎  
服遠迓躬自除道飾厨供張華麗見直叩頭伏地  
直甚喜巡撫都御史馬文升與直抗直銜之還誣  
奏文升妄啓邊釁逮赴詔獄謫戍直用事久勢傾  
中外阿附者立蒙顯榮忤之者即遭禍譴天下重  
足而時士紳趨走其門者無所不至御史王億至  
疏直行業可爲萬世法蓋士風瀾倒極矣有中官  
阿丑者善諧每于上前作院本頗有東方朔諷諫

風一日阿丑作醉人酗酒狀一人佯曰某官至酬  
罵如故又曰駕至酬如故又曰汪太監來矣醉者  
驚乃帖然人曰駕至胡不懼曰我知有汪太監耳  
自是直寵漸衰阿丑復作直持雙斧趨蹌而行人  
問故答曰吾將兵惟伏此兩鉞問其名曰王鉞陳  
鉞也上微哂焉至是御史徐鏞等極論其奸惡乞  
明正典刑籍沒家產以爲奸臣結黨欺罔之戒上  
納其言命法司會擬覆奏遂逐直南京王鉞陳鉞  
俱削籍并其黨罷升殆盡常瑛亦坐緝妖言事發  
斬于都市中外快之

提舉廣南西路關杞行部邕管一吏人爲蟲所毒  
舉身潰爛有一醫言能治呼使視之曰此爲天蛇  
所螫疾已深不能爲也乃以藥傅其瘡有腫起處  
以針投之有物如蛇凡取十餘條而疾不起

慶遠郡城隍廟明初有選慶郡守途遇一官儀仗  
同會詢其故曰公主明某主函兩賢不相妨也及  
之任齋宿會神舉動如兩賓相見禮衆訝之別無  
所見後晤見簷端懸一婦笞責甚楚問其故曰此

某氏不孝婦也守懇之神寬其罪嘆曰幽明之不可通也如是遂辭不復見頃只見一蟋蟀懸於簷訪氏罪病狀果然舊有紀異碑今毀守名失考

慶遠郡城有宋奉旨建元妙觀扁題廖陽殿著宋致和年號壯麗巍峩柱盤二木龍脩極工巧每夜失龍所在鷄鳴見龍通體苔覆聲自學宮泮池來相傳與泮龍閉歸也道士釘以鐵血流三日夜吳逆亂後木龍就毀廟雖圯尚有殿宇巍然莫蔽風雨官山上五里明初有鐘飛至多靈山復飛至橋頭村驗所從來鐘上所著係泮紹興鐘也村民即其地建梵宇今鐘尚存製異時鐘

明萬曆初宜民有張德威者惡著于鄉官莫能制威偶變舉動爲驢狀引刀自剗其股曰上帝懲我惡以戒世人也遂爲驢鳴以斃

明末慶遠盜亂有紳吳繼憲爲獍賊張安所害安途遇憲喝曰張安何往急歸安居巖舉家十數口閉巖自焚而死

明建文帝雲遊至慶遠寓西竺寺有慶遠衛指揮

使彭舉曾事帝識之烝羊以進臨行登舟以所乘馬賜舉作偈別之馬觸石以斃後人葬之號義馬壠北江岸帝勒石有泣血二大字

宋三元馮京父馮商微時與父燒炭于郡西北岸山其父死歸營棺反塋蟻集土封屍成墓後商生京帶至楚江夏爲商京中三元官至叅知政事號其山曰天門拜相山又曰狀元山其地形乃照天燭也其光在頂適斃于絕巘之巔鼯爲竒穴廖金精題曰一山正一山斜狀元出在別人家後京發

于江夏果竒驗宋乾道元年刺史李守柔建三元祠于郡學之左前樹文明坊云

郡城江北有會仙山由丹流閣而上懸崖百尺石洞區其半是爲崔莫二仙姑煉丹處中有丹灶灶頂石蓬皆作金碧色彩粲然蓋丹火燠爍也灶後卽二仙卧所頭臂股脛兩形畢現深入石寸許崖峭甚人罕躡者至必香楮默禱之方能緣焉不則惟望歎而已

蘇六卽父仕評宋時父子相繼爲宜州刺史卽出

遊至城西二十里渴甚馬跑一穴寬二丈許深不可測有泉湧出郡人號爲蘓公窟今水由地中行有路可下渴者經過取飲終日不渴龍江馬灘山崖上有飛筆晉丹蘓六郎遊此數字大如輪其父歿亦爲神郡于城西祠號爲西府廟云

思思荔波二縣西北界上與貴州爛土黎平諸彝相接不通王化有美杉生山下山頽覆壓不知幾千百年矣彝云是諸葛丞相伐而埋之雖未盡然要亦兩漢先秦時物也彝人每侯其地有紫氣上騰則郡聚穿上輒得之紫色堅類牛角投於水卽沉解爲棺出市之根薄而且短

泗城州出雄黃近貴州安南界土人携出衛市之有市雄黃屏風一護衣十屏風高尺五濶二尺護衣俱精緻土人云其地有雄黃床并卓面堅者可爲擣衣今無

康熙四年五月懷集縣蘭崗獐婦覃氏忤逆不孝忽裂衣服變爲獸逃上山見人卽走家人飼以飯菜竟毀棄之數月遍身出長毛驗一熊矣後爲羅

獸夜弓射死

康熙十八年懷集蘭崗牛欄各山群虎噬人至數百計覃桂勝妻賓氏爲虎所咬伏地子名石長擗虎脊亂擊虎棄去仍回顧欲復噬狀石長執杖當之母子保全人問長何以不逃長曰時止知有母何恤死也

祥異

嘗謂天人之理互相流通而感應之機捷於影響故災祥垂象者天也特祥而不慎或以致咎聞災而能儆或以蒙休然則災祥亦何常之有昔有反風滅火而誠以動天虎北渡河而化及惡獸者此民牧之任也豈曰天道遠人事邇而遽不加之意乎如必謂某事應某災某事應某祥強以人事妄臆乎天道則又非春秋紀災異之旨矣

後漢帝禪建興四年秋七月蒼梧鳳凰見

唐

龍翔二年靈川大水有龍出時縣西山風雨雷  
電七晝夜既霽山腹洞貫成巖廣百餘丈巖中  
石壁皆印龍鱗溪水從巖流出可通舟楫而舊  
溪爲平陸

泰和四年慶雲見於賀縣之丹甌山五彩氤氳  
旬日不散是年李邵來任因更名瑞雲山

會昌元年夏四月桂州有馬生駒三足能隨群  
牧

邕州黑螭見時李位都督邕州有黑螭鼓江流  
壞北岸直城南河覆船害人久乃去

咸通三年柳州馬生角

南漢時邕州鳳凰見時王弘澤鎮邕政聲大著

宋

咸平元年夏昭州大水溺死者五百一十一人  
景德元年夏月白州三鳳見鳳自南飛來集萬  
歲寺百尺龍木樹

景德四年象州居民圃內芥菜生蓮花是年牛



災

大中祥符五年夏五月藤州鐔津縣蠶成繭藤州素不產桑蠶食山柘而成州人異之緘絲以獻

祥符五年芝草生于天慶觀祥光見芙蓉一莖兩莖傅榮作三瑞圖頌

嘉祐三年夏六月邕州颶風大作城樓民屋盡壞幾無留甍

元豐元年邕州佛像動搖初像常動而交人入寇又動而州大火其後儂智高叛復動知州錢師孟因投之江中

秋平樂芝草生於資壽寺

元豐間橫州大理丞梁世基宅生連理荔枝神宗有御製詩賜之曰橫浦江南岸梁家間世賢一株連理木五月荔枝天

紹聖間靈芝產于賀縣甌山下人以為兆范祖禹之來也

紹興二十二年夏五月容州野蠶成繭

淳熙十六年鬱林紫泉出

咸淳十年蒼梧雨血著於草木行人衣服皆赤

元

元統二年二月太白經天徭寇陷賀州

夏昭州大水害稼

至元二年靖江等郡大饑人相食

至元二十七年靈川大藏山石崖崩

至正七年四月靜江山崩水湧灘江溢

至正八年平樂大水是歲饑

至正九年秋七月靈川歸江石崖崩

興業大里村李龍村相近有巨石丈許突起村  
心能爲鷄啼群鷄隨和居民厭之鑿其石聲遂  
止因名啼石里

興業縣治四十五年石山之巔有石圓如銅鑼  
响則石馬嘶石人喊土人遂叛萬曆七年木頭  
峒狼人叛魏應文討平之厥後石被雷轟宛然  
銅鑼因名銅鑼村

興業縣南十里村民見一馬從石中出食草居

人撲殺分食惟一老嫗子婦三人不食是夜雷  
雨大作電光中人見蒼龍從空中下其嫗驚仆  
覺有人喝曰急出無顧家母子遂出上小山困  
極立化爲石其村遂爲大池人呼曰馬塘

馬塘嶺一鄧姓者有堪輿卜一穴以葬其父以  
弓矢約之曰視吾箭所到處卽吉穴也鄧從其  
言葬之村間有牛傷足不能行山神曰鄧家鴨  
脚木好做脚以其木續牛足卽行遂惑衆自僭  
議創王者居址後堪輿復至登其墓曰箭尾不

葬葬箭口發福亦不久果謀逆伏誅鄉人以桐  
油燒其墓

明

洪武二年三月太平府有白鼠渡江自南而北  
晝夜不絕未幾頒降府州各衙門印信  
洪武十七年梧城漫天大雪不殊北方  
三十三年熒惑犯南斗

洪武年間賀縣靈芝生永樂年間又生人以爲  
周張發解之兆

廣西通志 卷之四十一 三十一  
永樂元年平樂大旱

永樂二年夏五月陽朔大水蛇龍羣作山谷成

淵

永樂中宋村嘉禾生禾結一大實如鷄卵好事者以金飾爲酒盃明故老有及見者今失所在  
宣德九年夏五月南寧府不雨郡守李晟齋沐虔禱於天寧寺以副都統茂爭典厥職五日尅應黑雲蔽空雷電交作甘霖如注燈燭盡滅二刻許雨晴天淨衆僧見殿前輓上有月明識三

字非墨非粉傍有巨人足跡微濕人咸異之有

碑存

景泰六年鬱林大水

天順六年賀縣桂嶺鄉大龍塘水流盡紫其色

光輝照耀上下經旬不變是歲大兵征其鄉俘

僮寇數千流水皆赤人以爲紫泉凶兆按是年

平桂嶺時明孝穆太后方十歲將臣以幼女津

送京師選入大內後誕孝宗始知紫泉之兆爲

非常云

天順八年夏五月大水殺禾稼民饑

成化元年夏五月武緣縣泮宮並頭蓮生是年

姚惠梁廷器領鄉荐人以爲瑞蓮之應

成化二年太白曳入南斗

成化丁酉全州有芝產于文廟右楹

七年梧州府有紫芝生于督府池

七年十二月五日蒼藤天鼓鳴白日中天大震

一聲起自東南止于西北

成化丁酉夏六月大水

十八年春大水陽朔縣壞屋百餘城崩殆盡

二十一年蒼梧大水

二十二年藤縣瑞蓮生

弘治二年春三月二十日己時賓州忽天色昏

暗狂風作自西北走石折木尋驟雨迅雷大雹

如鷄子破屋害稼殺鳥雀傷牛馬未時稍止

弘治己酉夏間太平儒學內月池蓮生並頭是

秋蒙斐顧真同薦鄉試說者其先兆也

弘治三年陽朔縣龍潭水潮一日三次

弘治甲寅宣化縣大旱民饑

十一年夏六月至八月無雨歲大旱饑

十三年秋八月十一夜融縣大星隕約長丈餘

自西南隕于西北

九月四日融江水紅黃數日民大疫鼠殺稼虎  
狼爲民害

十四年冬灌陽縣竹生豆角楓結梨實

十四年藤縣瑞蓮生

正德五年六月蒼梧地震次早白毛遍地

正德庚午春三月二十七夜太平府地震

七年冬十一月灘江冰合

七年六月北流地震

八年北流蝗大饑 秋八月宣化縣地震聲隱

隱如雷

九年八月朔日有食之移時星見

九年北流縣旱大饑

十年九月富川縣雷擊西山崩七處

十年梧州府有甘露降於府學宮

冬十二月初五日天鼓鳴

十一年夏五月慶遠西北方星隕有星長五六丈蜿蜒如龍蛇爛爍如掣電頃臾而滅

十一年夏秋蒼梧博白大水

丙子丁丑年太平府連旱大饑

丁丑夏四月十一日來賓縣大雨雹天忽迷冥風雨暴作雹落大如鷄子破屋折木殺鳥雀遷江縣亦然

十二年鬱林興業大旱

十四年六月富川縣蓮塘村開並頭蓮二朶是年張惠舉於鄉

十二年慶遠府虎入城爲害廂鄉之民死于虎者甚多

十三年武緣縣大饑民食薇蕨死者無數

丁丑年十二月十五日太平府地震

十五年富川縣楓樹結梨實鷄生四翼

六月二十七日夜蒼梧地震

辛巳秋九月太平地震有聲起于東南止于西

北

嘉靖元年夏五月全州大水萬鄉四都山崩水  
漏陷田數百頃

陽朔大水五日不消人遭溺甚衆

七月蒼梧大水漂民廬舍萬餘

二年癸未夏月旱命祈禱雷雨而霽

甲申冬十月慶遠天鼓鳴十二月二十六日已  
時西南方天鼓鳴如雷震地

四年冬十二月都司地陷大門左旗纛廟前忽

有聲如雷陷地一穴濶二丈五尺深一丈次日

離前穴三丈許復陷一丈濶二丈深二丈有青

氣一道上衝數丈良久始散

五年二月容縣大水連漲數日水退見兩岸龍  
車軌跡戊子宣化縣龍見

庚寅年春三月大雨雹

八年陽朔縣邑山崩白面山崩壓死民人張鳳  
銀妻女三口屋宇牛羊俱碎

九年正月十六日蒼梧大水延百家



四月容縣大雨雹

十年春二月全州雨雹如彈自辰至己

壬辰癸巳年太平府遭旱大饑

秋宣邑水泛民甚苦之

十三年甲午靈芝生產于賀縣水東民家有數  
本五色

十四年夏五月武緣縣大水沒城崩岸民大流  
殍

蒼懷大水漂廬舍千餘間沒城郭人多乘舟筏

至岡壟田廬蕩壞

三月容縣雨雹大者如梅小者如豆

四月容縣地大震者二次是歲饑

懷集凶荒民饑

十四年夏五月初五日有虎入太平郭白晝不  
去居民殺之十五日虎又入郭不去民又殺之  
念五日虎又入郭民悉殺之三虎相繼入郭而  
亡

十五年八月興業縣猛虎爲害民禱於城隍七

虎斃於一日

九月南寧府火燔民居四百餘家

十六年夏四月全州大水城圯者半大傷田稼  
平樂府水漂室廬害稼

五月恭城水溢入城田稼浸沒民大饑

夏蒼梧大水東南民舍盡沒

十七年秋九月至冬十二月全州大疫

秋武緣縣大水漂流民舍委積如山

十九年春富川縣雷擊儒學門墻是年毛熙擢

魁

二十一年壬寅春三月十一日夜三更賀縣忽

大風從西而東南颺沙飛瓦古樹大可十圍連  
根拔起所至有樓板磚砌吹疊成堆者

夏四月全州暴風雨有飛石墮柳山應泉池

八月熒惑掩南斗杓 懷集大饑 岑溪大水

二十三年春三月橫州民陸安妻一乳四子勒  
竹村人懷娠十五月生一女三男

富川縣竹結實如米其年饑民採而食之

二十四年富川縣鼠數百成群食田禾竹生實  
是歲饑

二十六年春二月夜風雷摧全州學宮松傷戟  
門梁柱

二十七年夏六月全州萬鄉四都山裂水三道  
汎衝民屋土田成河

壬子春三月宣化縣飛龍見  
二十九年六月富川縣白日有聲如洪濤號激  
自天而下移時聲住雨如注後大旱

辛亥年正月元旦五更太平府雷震府署枕柳  
木及盆中滌氣時南寧府同知余光署事

三十四年梧州府有靈芝生于梧山書院

北流縣石界里春夏民大疫

春三月初七日太平府地震屋棟有聲

三十五年黑青見有物變幻不一拋擲瓦石徧  
入人家爲怪人傳爲馬騮精家家守夜達旦以  
桃柳枝鳴鑼擊鼓逐之平屬更多此妖自廣東  
入賀富至永衡而後跡滅

慧星見于西方

秋七月十四日夕星隕于西南光燭戶庭

七月念三日太平府有巨魚長丈餘出游水面  
凡三日乃止其鯉魚之鬣皆聯于尾見者怪之  
三十六年春橫州大雨雹是日未時州北三十  
里交椅銀水六村長寨等地忽震雷暴風雨雹  
大者如米升小者如鷄卵有柄有三角至七八  
角者傷村民牧豎十餘人牲畜禽獸無算車輪  
苦瓦飄散竹木枝葉如削野草擊爛一室電積

注地約二尺許

冬十月橫州有妖青其妖未審何物傳自北而  
來歷江西及廣東遇直入人家淫穢或如星或  
如蝠或如猴如犬或有黑氣似有尾爪能傷人  
淫者當之輒斃家家直聚擊鑼鼓持竹柳枝以  
防之來則聚擊之散爲星火頃復堆爲一毬衝  
簷而去至三十七年二月復轉至州境村鄉騷  
擾如前數月乃熄

四十二年冬十月靈川日未出地浮白光既出

見青輪高一丈復常明

夏六月十四日丙午夜有流星自東南過西北

光芒如晝

四十三年冬十一月夜月明而大雨雹是年龍

隱山崩十二月古田賊首常銀豹越城

癸亥秋七月太平府有熊入郭居民殺之其雌

後復至數夕而去

四十五年正月荔浦縣野鹿入城九月火燒城

內外民房并縣廨悉燬

四十五年岑溪縣火

隆慶五年布政司地陷是歲獨秀山崩石約一

丈餘六年夏五月大水堯山崩六月龍隱山白

晝獲虎

夏五月懷集賀縣大水漂沒民舍六月亦如之

六年武緣縣地震

萬曆元年融縣清流鎮南寨一帶村鄉虎出害

人數年乃息虎三五成群途間數十人行就中

搏一人而去置之復來逐取人晚踰垣升屋晝

於村傍搏噬無虛日時倉官莫賽經置鎮建醮  
穰之錄被害者附醮壇薦度已得男婦老幼三  
百餘又數年乃息不啻千餘命矣厥後數十里  
田荒人竄村落丘墟

萬曆二年七月朔懷集縣地震望日又震

三年懷集縣大旱民饑

五年慧星見西方其長亘天尾直射月宮光芒  
燭天數日不滅冬又見次年大征府江

六年春正月臨桂東鄉冷水村地崩陷震聲如

雷周廣約十丈深不可測

夏六月武緣縣大水

七年荔浦有牛生兩犢

懷集縣一禾二穗

五月北流縣大雨漂沒城垣民舍溺死男婦二  
十餘人

九年辛巳賀縣重修三乘寺寺後一柿木大尺  
餘沙彌斧之忽兩開中有用力不同四字兩邊  
俱有字跡衆異之白於縣而貯之庫

十年十月興崇縣大風拔木發屋

十一年懷集縣桃李四季有實

十二年秋梧州大旱蠲免蒼梧災米

十四年丙戌十二月十八日平樂府地震瓦房  
俱响

十四年三月懷集古城大水岳山麓崩魚鱉盡  
絕人涉水多生疽

七月梧州城大水南門城內水高一丈五尺廬  
舍田禾盡遭淹沒蒼梧漂民舍八百一十六家

藤縣二百四十家驚博北流皆受水害官發穀  
賑之

十五年長安鎮虎災舊鎮上樂極村男婦幾五  
十口噬之餘十八人別村未苦是酷者有靖州  
獵師至得四虎其患乃息融虎傷例請師人超  
度亡化故師巫利之每誑民此虎乃馮家所放  
神虎不可殺殺之將自及愚民信之間有得虎  
者奸猾恐以皮不送官將舉首爾故益惕惕不  
敢加一矢

廣西通志 卷之四十一 雜記  
十七年七月博白縣洽南五十里有獅子石吐  
烟幾與雲參移時而止

十九年五月博白縣登高嶺左小河流紫水土  
民觀之七日而止

二十二年甲午夏昭平縣蛟起明源江化爲龍  
懷集縣春雹秋旱

二十三年二月容縣雨雹如飛石秋旱是歲饑  
二十四年丙午八月初九日賀縣闔邑池塘忽  
湧城中爲甚池魚驚躍於陸是日知縣翁懋勤

遷湧泉庫于縣堂之東人以爲應云

二十五年丁酉春昭平縣雷發櫺星門是年廖  
蕭鄉舉

戊戌年地震如雷

萬曆三十二年夏五月二十八日亥時地震六  
月初四日再震

八月二十六日亥時震十一月又震

三十三年容縣地震自東而西聲如霹靂是歲  
米貴



三十五年慧星見

三十九年五月懷集縣大水

辛亥年二月大風忽起西北天色黃赤不移刻  
水雹大墜如碗如盤壞官署民居屋瓦殆盡林  
麓鳥獸死者無筭

四十二年乙卯春昭平縣城中雹

四十三年七月恭城縣勢江山崩出蛟平樂河  
水暴漲魚死塞江水不可食民掘泉取水

四十五年丁巳八月初四日恭城縣陰雲密布

雨下如注山澗水湧連崩一十三嶺樹木拔折  
緣江鱗介之物死者無筭巨木散材河涯堆積  
如山人云有蛟龍出焉

四十六年全省大旱民饑南寧尤甚死者白骨  
疊丘

夏六月恭城縣諸溪不雨而漲仲家廖洞傳有  
龍鬪日恒不休山水若决率皆泥淖

八月至十月每夜東方見一巨星長丈餘空中  
懸有白氣形如刀鎗長矛又如白布自北舖南

竟天

泰昌元年九月梧州城大火被災八百餘家知府同知各捐俸恤之

二十二日天鼓鳴天裂閃光如晝有聲如雷天啓元年五月梧州大水

二年二月平樂大雷連震七次霹倒鳳凰山大松四月龍池井出神龍大雷雨

四年甲子陽朔縣旱饑民變

七年五月三江大水漂沒民房甚衆

崇禎元年懷集大雹三年春又雹秋旱

癸酉七月宣化縣大水灌城丈餘近河民舍漂蕩殆盡

六年七月蒼梧大水

乙亥五月平樂地震河山響如雷吼

丁丑至巳卯平樂城鄉鼠皆變爲豚鼠身小眼細每二三相角其聲啾啾如蛩吟

十一年戊寅恭城縣禾穗兩歧大豐

巳卯五月初八日地震有聲

十三年庚辰恭城鄉民獻白兔

十六年夏五月賀縣城內陳侯祠前榕樹大十餘圍忽枝上發赤紅蘭花二朶大如掌是年冬月土寇作崇破城奪印後三省兵剿平之

十六年三月蒼梧大水

十七年興業縣葵山脚崩百餘丈

本朝

順治十一年十一月南寧大雪積數寸從來罕見者明年大豐

丙戌年五月宣化地震屋宇搖動

蒼梧二月不雨至八月十六日始雨歲無收

庚寅年大旱次年斗米千錢人饑

十五年興業縣歲荒竹生花結實民取充饑連年虎患晝傷人夜踰墻垣民甚苦之蕪村民受害更慘爲虎絕者數十家今田遂蕪

康熙元年容縣岑溪地動有聲轟然自西北至

東南

七月梧城大水

癸卯九月初八日灌陽山崩水湧剗去民田經  
題報豁免

甲辰慧星見于瑞雲西山八月有白氣如帚自  
西北起竟東南天半

戊申春正月昭平城西北角有白氣一道下垂  
經月不散

乙巳年八月十三日梧州地震是月大水

戊申年八月南寧城內外火焚二千餘家

壬子五月梧州大水

甲寅四月蒼梧多賢鄉大潦漂流民舍數十間  
淹死男婦一十六口十月初九夜蒼梧聞天鼓  
鳴聲自西而南次年民遭鋒鏑

十五年懷集縣虎狼群出噬附山男婦二百餘  
五月十八日蒼梧長行冠蓋鄉太潦衝決民田  
甚多

七月十七日懷集大水山崩數十餘處平地水  
深七八尺傷民舍田禾米貴

十六年蒼梧大水淹沒濱江田地百餘頃

戊午春三月大雨雹小者如彈大者如碗如米  
升破屋削木林麓鳥獸皆斃城西南五十里爲  
甚

十七年七月八月蒼梧大水

十九年冬十月每夜戌時有星見于西方光芒  
如練尾指東北一月始沒